

সূত্র

প্রিন্ট: ০৩ ডিসেম্বর ২০২৫, ০৯:৩৬ এএম

শিক্ষাঙ্গন

স্কুল ফিডিংয়ে নিম্নমানের খাবার, শিক্ষার্থী- অভিভাবকদের ক্ষোভ



ঈশ্বরগঞ্জ (ময়মনসিংহ) প্রতিনিধি

প্রকাশ: ০২ ডিসেম্বর ২০২৫, ০৩:৩৪ পিএম



ময়মনসিংহের ঈশ্বরগঞ্জে বহুল প্রত্যাশিত স্কুল ফিডিং কর্মসূচিতে নিম্নমানের খাদ্য বিতরণের অভিযোগ উঠেছে। সোমবার (২ ডিসেম্বর) জেলা শিক্ষা অফিসার নিজেই সরেজমিন তদন্তকালে এর প্রমাণ পেয়েছেন।

জানা যায় উপজেলার ১১টি ইউনিয়ন ও ১টি পৌরসভার মোট ১৪০টি প্রাথমিক বিদ্যালয়ে এ কর্মসূচি চালু হয়েছে। প্রথম শ্রেণি থেকে পঞ্চম শ্রেণি পর্যন্ত ২৬ হাজার ৬২০ জন শিক্ষার্থী এই সুবিধার আওতায় রয়েছে।

ফিডিং সূচি অনুযায়ী গত ২৪ নভেম্বর শিক্ষার্থীদের দেওয়ার কথা ছিল বনরুটি ও দুধ। কিন্তু বাস্তবে শুধু দুধ দেওয়া হয়েছে এবং ৪০টি শিক্ষা প্রতিষ্ঠানের শিক্ষার্থীরা কোন খাদ্য সামগ্রী পায়নি।

মঙ্গলবারের তালিকায় ছিল বনরুটি ও সিদ্ধা ডিম। কিন্তু সিডিউল অমান্য করে বিতরণ করা হয়েছে একটি করে সাগরকলা। যে কলার বাজারদর সর্বোচ্চ ৫ টাকা সেটির বিল দেখানো হয়েছে সাড়ে ৯ টাকা। একটি ১২০ গ্রাম বনরুটি যার মূল্য ২২ টাকা কিন্তু বিতরণ করা হয়েছে মানহীন রুটি।

১ ডিসেম্বর শিক্ষার্থীদের মাঝে যে রুটি বিতরণ করা হয়েছে তা খুবই নিম্নমানের যা শিক্ষার্থীরা খেতে চায়নি। যা নিয়ে শিক্ষক-অভিভাবক ও স্থানীয়দের মধ্যে অসন্তোষ দেখা দেয়।

প্রাথমিক শিক্ষকের এক পদের জন্য লড়বেন ৮০ প্রার্থী

প্রকল্প পরিচালক (যুগ্ম সচিব) মো. হারুনুর রশিদের স্বাক্ষরিত সাপ্তাহিক খাদ্য বিতরণের তালিকার সঙ্গে মাঠপর্যায়ের বাস্তবায়নের কোনো মিল নেই।

এ বিষয়ে জেলা প্রাথমিক শিক্ষা অফিসার ওবায়দুল্লাহ সোমবার সরেজমিন খাদ্য বিতরণ কর্মসূচি পরিদর্শনকালে নিম্নমানের রুটি বিতরণের প্রমাণ পেয়ে সংশ্লিষ্ট বিভাগের উর্ধ্বতন কর্তৃপক্ষকে অভিত করেছেন বলে জানান তিনি।